

**Тошкент вилояти
Кўйи Чирчик тумани
статистика бўлими**

НИЗОМИ

O'ZBEKISTON RESPUBLIKASI
TOSHKENT VILOYATI
QUYI CHRCHIQ TUMANI
HOKIMI



ЎЗБЕКИСТОН РЕСПУБЛИКАСИ
ТОШКЕНТ ВИЛОЯТИ
ҚУЙИ ЧИРЧИҚ ТУМАНИ
ХОКИМИ

ҚАРОР

Дўстобод ш.

17.06-сон

«17 » Октябрь 2017 й.

**Қуий Чирчик тумани
статистика бўлимини
қайта рўйхатдан ўтказиш тўғрисида**

Ўзбекистон Республикаси “Махаллий давлат хокимият органлари тўғрисида”ги қонунининг 25-моддасига асосан, тақдим қилинган хужжатларни кўриб чиқиб,

ҚАРОР ҚИЛАМАН:

1. Қуий Чирчик тумани статистика бўлими қайта рўйхатдан ўтказилсин. (Бўлимнинг янги таҳрирдаги низоми илсва қилинади).
2. Статистика бўлими раҳбар ва ходимларига, белгиланган низомда бўлимнинг мақоми, асосий вазифалари ва функциялари, хукуқ ва мажбуриятлари, шунингдек фаолиятни ташкил этиш, ушбу низомга сўзсиз амал қилиш белгилансин.
3. Мазкур қарор ижросини назорат қилишни Иқтисодиёт ва тадбиркорликни ривожлантириш масалалари бўйича ўринбосари в.в.б. Б.Музофаров зиммасига юклатилсин.

Туман хокими

Б.Рахимов



Қуи Чирчик тумани ҳокимининг
2017 йил “17” октябрдаги
1486-сон қарорига
илова



Қуи Чирчик тумани статистика бўлими тўғрисида НИЗОМ

1- боб, Умумий қоидалар

1. Мазкур Низом Қуи Чирчик тумани статистика бўлимининг (*кейинги ўринларда Бўлим деб аталади*) мақоми, асосий вазифалари ва функциялари, хукуқ ва мажбуриятлари, шунингдек фаолиятини ташкил этишни белгилайди.
2. Бўлим Ўзбекистон Республикаси Давлат статистика қўмитасининг (*кейинги ўринларда* Давлат статистика қўмитаси *деб аталади*) ягона тизимига кирувчи худудий давлат статистика органи ҳисобланади ва ўз фаолиятида Тошкент вилояти статистика бошқармасига (*кейинги ўринларда* Бошқарма *деб аталади*) бўйсунади.
3. Бўлим маҳаллий давлат ва хўжалик бошқаруви органлари, юридик шахслар ва фуқароларнинг расмий статистика ахборотига бўлган эҳтиёжини кондирувчи, яхлит илфор статистика ахбороти тизимининг фаолият кўрсатишига йўналтирилган давлат статистикаси соҳасидаги ягона сиёsatни амалга оширишда иштирок этади.
4. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президенти фармонлари, қарорлари ва фармойишларига, Ўзбекистон Республикаси Вазирлар Маҳкамаси қарорлари ва фармойишларига, Давлат статистика қўмитасининг буйруқлари, қарорлари, топшириклари ва кўрсатмаларига, Бошқарманинг буйруқлари ва кўрсатмаларига, мазкур Низомга, шунингдек бошқа қонун хужжатларига амал килади.
5. Бўлим ўз фаолиятини бошқа маҳаллий давлат органлари ва юридик шахслар билан ўзаро ҳамкорликда, шу жумладан идоралараро электрон ҳамкорлик қилишдан фойдаланган ҳолда амалга оширади.
6. Бўлим ўз фаолиятини Ўзбекистон Республикаси Вазирлар Маҳкамаси томонидан тасдиқланадиган Давлат статистика ишлари дастурига асосан Давлат статистика қўмитаси томонидан тасдиқланадиган Давлат статистика ишларини ишлаб чиқариш дастурига мувофиқ ташкил қилади.
7. Давлат статистика органлари фаолиятига давлат органлари ва маҳаллий давлат ҳокимияти органларининг аралashiшига йўл қўйилмайди.
8. Бўлим юридик шахс ҳисобланади, Ўзбекистон Республикаси Давлат герби тасвири туширилган ҳамда ўз номи ёзилган бланк ва мухрга, мустақил балансга, банкдаги ҳисоб-рақамига эга бўлади.
9. Бўлимнинг жойлашган манзили: Тошкент вилояти Қуи Чирчик тумани Дўстбод шаҳри Навқирон кўчаси 1-йй.

2-боб. Бўлимнинг вазифалари ва функциялари

10. Куйидагилар Бўлимнинг асосий вазифалари ҳисобланади:

давлат статистикаси соҳасида ягона сиёсатни амалга ошириш ва статистикани ташкил этишининг самарали тизимини таъминлаш;

халқаро стандартларга мувофиқ бўлган ягона статистика методологиясини ҳамда давлат статистика кузатувлари шаклларини жорий этиш;

ижтимоий-иктисодий ҳодисалар, жараёнлар ва уларнинг натижалари тўғрисидаги статистика ахборотларини йигиш, қайта ишлаш, тўплаш, саклаш, умумлаштириш, таҳлил килиш ва эълон қилиш;

давлат органларини, юридик шахсларни ва аҳолини Кўйи Чирчик тумани бўйича статистика ахборотлари билан бёлгиланган тартибда таъминлаш;

Корхоналар ва ташкилотларнинг ягона давлат регистрини, статистика ишларини ташкил этиш учун зарур бўлган иктисодий-статистик классификациялар тизимини юритищда иштирок этиш;

ахборот-коммуникация технологияларидан самарали фойдаланишни таъминлаш;

бўлимнинг иш усуллари ва шаклларини янада такомиллаштириш, фуқароларнинг мурожаатларига ўз вактида муносабат билдириш, юклangan вазифалар ўз вактида ва сифатли бажарилиши учун ходимлар масъулиятини ошириш.

11. Бўлим ўз зиммасига юклangan вазифаларга мувофиқ қуйидаги функцияларни амалга оширади:

а) давлат статистикаси соҳасида ягона сиёсатни амалга ошириш ва статистикани ташкил этишининг самарали тизимини таъминлаш борасида:

давлат статистикаси тамойилларига риоя этилишини ва халқаро стандартларга мувофиқ бўлган статистик методологиянинг ягоналигини таъминлайди;

Бўлимнинг таҳлилий салоҳиятини мустаҳкамлаш бўйича зарур чораларни кўради;

б) халқаро стандартларга мувофиқ, бўлган ягона статистика методологиясини ҳамда давлат статистика кузатувлари шаклларини жорий этиши соҳасида:

туманда давлат статистика кузатувлари шаклларининг жорий этилишини ташкил этади, жумладан ҳисбот тақдим этувчи субъектларни тасдиқланган давлат статистика ҳисботи шакллари тўғрисида хабардор қиласи ҳамда уларни электрон шаклда тўлдириш ва тақдим этиш бўйича тушунтиришлар беради;

давлат статистика кузатувларини ягона статистика методологиясига катъий амал қилган ҳолда ўтказилишини таъминлайди;

в) ижтимоий-иктисодий ҳодисалар, жараёнлар ва уларнинг натижалари тўғрисидаги статистика ахборотларини йигиш, қайта ишлаш, тўплаш, саклаш,

умумлаштириши, таҳлил қилиши ва эълон қилиши соҳасида:

Давлат статистика ишларини ишлаб чиқариш дастурининг бажарилишини таъминлайди;

туман бўйича ижтимоий-иктисодий ривожлантириш давлат ва худудий дастурларининг бажарилиши юзасидан Давлат статистика қўмитаси томонидан белгиланган давлат статистика кузатувларини ўз вақтида ва сифатли амалга оширилишини ташкил этади;

давлат статистика ҳисботларини электрон кўринишда, зарур ҳолларда қофоз кўринишида йиғиши, рўйхатдан ўтказишиларни, бир марталик ҳисобга олишларни, сўровларни ва бошқа кузатувларни Давлат статистика қўмитаси томонидан тасдиқланган шакллар ва методологияга катъий амал қилган ҳолда ташкил этади ва таъминлайди;

статистика, ҳисбот кўрсаткичларининг ва ўтказилган танланма кузатувлар натижаларининг тезкорлиги, ишончлилиги ва холислигини таъминлайди;

статистика ишларини ташкил этишнинг статистика ахборотларини йиғиш, қайта ишлаш ва умумлаштириш тартибига давлат органлари ҳамда маҳаллий давлат ҳокимияти органларининг ҳар қандай аралашувини истисно қиласиган тизимини яратиш бўйича чора-тадбирларни амалга оширади;

хўжалик юритувчи субъектларга ишончли давлат статистика ҳисботларини тақдим этишда ҳар томонлама кўмаклашади, статистик маълумотларни тақдим этиш соҳасида хукуқий маданиятни ошириш ва хукуқбузарликларнинг олдини олишнинг таъсиран механизмларини амалга оширади, статистик назоратни амалга оширишнинг замонавий усулларини қўлланишини таъминлайди;

фойдаланувчиларга Давлат статистика қўмитасининг ахборот ресурсларидан фойдаланишга доир тушунтиришлар беради;

олинган статистика маълумотларининг махфийлигини, бирламчи ҳисбот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий тасдиқлаш мақсадида фойдаланишга йўл қўймасликни, давлат сирларига эга бўлган статистика маълумотларининг ҳимоя қилинишини таъминлайди;

қонун ҳужжатларига мувофиқ, Бўлим фаолияти жараёнида юзага келган архив ҳужжатларини белгиланган тартиб ва муддатларда Бошқарма идоравий архивига тақдим этилишини таъминлайди;

ўз ваколатлари доирасида Бўлим фаолияти жараёнида олинган хизмат, банк, тижорат сирларини ва бошқа махфий маълумотларни ўз ичига олган ахборотларни сақлаш ва ҳимоялашнинг тегишли тартибини таъминлайди;

г) давлат органларини, юридик шахсларни ва аҳолини Кўйи Чирчиқ тумани бўйича статистика ахборотлари билан белгиланган тартибда таъминлаш соҳасида:

худуднинг ривожланишини тизимли таҳлил қилиш бўйича бошқа худудий

бошқарув органлари, маҳаллий давлат ҳокимияти органлари билан яқиндан ҳамкорлик килади;

барча фойдаланувчиларга очиқ статистик маълумотлардан фойдаланиш учун тенг имкониятларни таъминлайди;

туман бўйича маълумотлар асосида маҳаллий оммавий ахборот воситаларида (маҳаллий телеканалларда) таҳлилий материаллар кенг намойиш қилиш йўли билан статистик кўрсаткичлар тўғрисида аҳолини хабардор қилиш чораларини кўради;

статистика кузатувлари ва расмий статистика ахборотлари масалалари бўйича ахборот-тушунтириш ишларини олиб боради;

шартнома асосида, қонун хужжатларида белгиланган тартибда статистик, таҳлилий, ахборот хизматларини ва Давлат статистика ишлари дастуридагидан ташқари бошқа хизматларни кўрсатади;

д) Корхоналар ва ташкилотларнинг ягона давлат регистрини, статистика ишларини ташкил этиши учун зарур бўлган иқтисодий-статистик классификациялар тизимини юритишда иштирок этиши соҳасида:

Корхоналар ва ташкилотларнинг ягона давлат регистрида Кўйи Чирчик туманида жойлашган юридик шахсларни тўлиқ ҳисобга олишни ва улар фаолияти ҳолатидаги ўзгаришларни мониторинг қилишни таъминлайди;

е) ахборот-коммуникация технологияларидан самарали фойдаланишини таъминлаш соҳасида:

статистика ахборотларининг тезкорлик билан узатилишини ва қайта ишланишини таъминловчи янги ахборот-коммуникация ресурслари ва технологияларини Бўлим фаолиятига жорий этишда иштирок этади;

давлат статистика органлари ахборот ресурслари ва тизимларнинг ахборот хавфсизлигини таъминлаш, давлат статистикаси ахборот-хисоблаш тизимини рухсатсиз фойдаланишдан химоя қилиш бўйича зарур чораларни кўради;

ж) Бўлимнинг иш усуллари ва шаклларини янада тақомиллаштириш, фуқароларнинг мурожаатларига ўз вақтида муносабат билдириш, юклangan вазифалар ўз вақтида ва сифатли бажарилиши учун ходимлар масъулиятини ошириш соҳасида:

жисмоний ва юридик шахсларнинг мурожаатлари асосида Бўлим ишини тақомиллаштириш бўйича амалий чоралар кўради;

Бўлим кадрларининг малакаси оширилишини ва қайта тайёрланишини тизимли асосда таъминлайди;

давлат статистикаси соҳасида ҳукуқбузарликларни профилактика қилиш ва статистик маълумотларнинг тўлиқлиги ва ишончлилигини таъминлаш мақсадида хўжалик юритувчи субъектлар билан самарали ҳамкорлик қилишни ташкил этади, улар учун максимал қулай шарт-шароитларни яратади;

фуқароларни қабул қилишни ташкил килади, жисмоний ва юридик шахсларнинг ёзма ва оғзаки мурожаатларини ўз вақтида ва тўлиқ кўриб чиқилишини, улар бўйича қарорлар қабул қилинишини ва қонун хужжатларида

белгиланган тартиб ва муддатларда мурожаат эгаларига жавоблар юборилишини таъминлайди;

Ўзбекистон Республикаси фуқаролари ва юридик шахслари томонидан давлат статистикаси соҳасидаги қонун ҳужжатлари бузилишини олдини олишга қаратилган огохлантирувчи ва профилактика хусусиятига эга чораларни, шунингдек, аниқланган қонунбузарликлар оқибатларини бартараф этиш чораларини амалга оширади.

Бўлим қонун ҳужжатларига мувофиқ бошқа функцияларни ҳам бажариши мумкин.

3-боб. Бўлимнинг ҳуқуқлари ва жавобгарлиги

12. Бўлим ўзига юкланган вазифалар, функцияларни бажариш учун қуидаги ҳуқуқларга эга:

туман ҳудудидаги давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда - уларнинг ваколатхоналари ва филиалларидан) давлат статистика ҳисботини белгиланган тартибда олиш ҳамда ундан статистика мақсадларида фойдаланиш;

туман ҳудудидаги давлат ва хўжалик бошқаруви органларидан, давлат ташкилотларидан давлат статистика ишларини олиб бориш учун зарур бўлган маълумотларни (уларни ишлаб чиқишининг исталған босқичида), шунингдек уларга илова қилинадиган тушунтиришларни сўраш ва олиш;

туман ҳудудидаги юридик шахсларни ва якка тартибдаги тадбиркорларни давлат руйхатидан ўтказишни амалга оширувчи органлардан, шунингдек юридик шахслар тўғрисидаги маълумотларнинг регистрлари ва ахборот базаларини шакллантирувчи ва юритувчи давлат органлари ва уларнинг идоравий мансуб ташкилотларидан Корхоналар ва ташкилотларнинг ягона давлат регистрини юритиш ва фаоллаштириш учун зарур бўлган маълумотларни олиш;

туман ҳудудидаги юридик ва жисмоний шахсларнинг, шу жумладан якка тартибдаги тадбиркорлар фаолиятининг давлат статистика кузатувларини Давлат статистика қўмитаси томонидан тасдиқланган шакллар ва методология бўйича олиб бориш ва олинган маълумотлардан статистика максадларида фойдаланиш;

давлат статистика кузатувларининг методологияси ва ташкил этилиши, шунингдек расмий статистика ахборотлари билан боғлик масалалар бўйича ахборот-тушунтириш ишларини олиб бориш;

барча юридик шахслар ва якка тартибдаги тадбиркорлар томонидан давлат статистикаси соҳасидаги қонун ҳужжатларининг бажарилишини қонун ҳужжатларига мувофиқ назорат қилиш;

олинаётган статистика маълумотларининг тўлиқлиги, ишончлилиги ва холисоналигини экспертизадан ўтказиш;

давлат статистика маълумотларида бузилишлар аниқланган тақдирда, уларни

бартараф этиш тўғрисида қўрсатмалар бериш;

давлат статистика хисоботларини тақдим этиш тартибини бузаётган мансабдор шахсларга нисбатан қонун хужжатларига мувофиқ маъмурий жазо чоралари кўриш;

давлат статистика хисоботларини тақдим этиш тартибини бузганлик учун мансабдор шахсларга кўлланиладиган маъмурий жарималардан тушумлар ҳисобига Давлат статистика қўмитасининг маҳсус жамғармасини шакллантиришда иштирок этиш ва ундан белгиланган тартибда фойдаланиш;

шартнома асосида статистик, таҳлилий, ахборот хизматлари ва Давлат статистика ишлари дастуридан ташқари бошқа хизматларни қонун хужжатларида белгиланган тартибда кўрсатиш;

қонун хужжатларида белгиланган тартибда Бўлим ходимларининг меҳнатига ҳақ тўлаш, рағбатлантириш, мукофотлаш ва рағбатлантиришнинг бошқа турларини амалга ошириш.

Бўлим қонун хужжатларига мувофиқ бошқа хукуқларга ҳам эга бўлиши мумкин.

13. Бўлим ва унинг мансабдор шахслари уларга юклangan вазифалар ва функциялар самарали бажарилиши учун жавоб беради.

Бўлимнинг мансабдор шахслари ҳаракатлари устидан шикоят қилиш қонун хужжатларига мувофиқ амалга оширилади.

14. Бўлим ходимлари “Давлат статистикаси тўғрисида”ги Ўзбекистон Республикаси Қонуни талабларини бузганлик, тарқатилиши чекланган статистик маълумотлар, статистик ахборотлар ва (ёки) маълумотлар базасини йўқотганлик, сотганлик, берганлик ва бошқа ноқонуний ошкор этганлик учун, шунингдек статистика маълумотларини яширганлик ва бузиб қўрсатганлик учун, ёхуд кўрсатиб ўтилган хукуқقا зид қилмишларга кўмаклашганлик учун қонунга мувофиқ жавоб беради.

4-боб. Бўлим фаолиятини ташкил этиш

15. Бўлимга туман ҳокимининг тақдимномасига кўра ва Давлат статистика қўмитаси раиси билан келишилган ҳолда Бошкарма бошлиғи томонидан лавозимга тайинланадиган ва лавозимидан озод этиладиган бошлиқ раҳбарлик қиласди.

16. Бўлим бошлиғи:

Бўлим фаолиятига умумий раҳбарлик қиласди ва Бўлимга юклangan вазифалар ва функцияларнинг бажарилиши учун шахсан жавоб беради;

давлат органларида ва бошқа ташкилотларда Бўлимни ифодалайди;

Бўлим ходимлари ўртасида вазифаларни тақсимлайди;

Бўлим ходимларининг мажбуриятлари ва жавобгарлиги даражасини белгилайди;

ўз ваколатлари доирасида Бўлим ходимлари томонидан бажарилиши мажбурий бўлган буйруклар чиқаради ва қўрсатмалар беради;

олинган фойда, шу жумладан шартнома асосида қўрсатилган хизматлардан тушумлар ҳисобига Бўлим ходимларини белгиланган тартибда рағбатлантириш

масаласини ҳал этади;

Бўлим ходимларини Бошқарма томонидан рағбатлантириш, юқори малакаси учун устамалар белгилаш ва уларга нисбатан интизомий жазо чораларини қўллаш бўйича Бошқармага таклифлар киритади;

Бўлим ходимларини қайта тайёрлаш ва уларнинг малакасини ошириш ишларини тизимли асосда таъминлайди;

Бўлимга юқланган вазифаларни ўз вақтида ва сифатли бажарилишини таъминлаш учун амалдаги қонун хужжатлари доирасида зарур чоралар кўради.

Бошлиқ қонун хужжатларига мувофиқ бошқа ваколатларга ҳам эга бўлиши мумкин.

17. Лавозимга тайинлаш ва лавозимдан озод қилиш:

Бўлим ходимлари - Давлат статистика қўмитаси билан келишилган ҳолда Бошқарма бошлиғи томонидан лавозимга тайинланади ва лавозимдан озод қилинади;

Бўлим бошлиғи - туман ҳокимининг тақдимномасига қўра ҳамда Давлат статистика қўмитаси раиси билан келишилган ҳолда Бошқарма бошлиғи томонидан лавозимга тайинланади ва лавозимдан озод қилинади.

5-боб. Бўлимнинг молиялаштирилиши ва моддий-техника таъминоти

18. Бўлимнинг мол-мулкини асосий воситалар ва айланма маблағлар, шунингдек қиймати унинг мустақил балансида акс эттириладиган бошқа бойликлар ташкил этади.

19. Бўлимни молиялаштириш ва унинг моддий-техника таъминоти Давлат статистика ишлари дастурига мувофиқ Ўзбекистан Республикаси Давлат бюджети маблағлари хисобига амалга оширилади.

Давлат статистика ишлари дастурида белгиланган амалга оширилган статистика ишлари учун ҳақ тўлаш, Бўлим томонидан Бошқармага ҳар ойда тақдим этиладиган бажарилган ишлар далолатномалари асосида Ўзбекистан Республикасининг республика бюджети маблағлари ҳисобига Бошқарма томонидан таъминланади.

Давлат статистика ишлари дастурига киритилмаган ва уларни ишлаб чиқишга қўшимча харажатлар талаб қилинадиган қўшимча статистика ишларига ҳақ тўлаш буюртмачилар маблағлари ҳисобига молиялаштирилади.

Бўлим томонидан олинган фойда, амортизация ажратмалари, шунингдек бошқа тушумлар унинг ихтиёрида қолади ҳамда улардан Бўлимнинг моддий-техника базасини мустаҳкамлаш ва ахборот-коммуникация тизимини ривожлантириш, ходимларнинг касб маҳоратини, ўз лавозим вазифаларини сифатли бажарганлигини, ижодий фаоллигини ва ташаббускорлигини рағбатлантириш учун белгиланган тартибда фойдаланилади.

20. Бўлим Давлат статистика ишлари дастурини бажариш доирасида ажратилган маблағларнинг ва ўз ишларининг бошқа натижаларининг тезкор ва

бухгалтерия ҳисобини "Бухгалтерия ҳисоби түғрисида"ғи Қонун ва Бухгалтерия ҳисобининг миллий стандартларига мувофиқ амалга оширади, статистика ҳисботини юритади.

6-боб. Яқунловчи қоида

21. Бўлимни қайта ташкил этиш ва тугатиш қонун хужжатларида белгиланган тартибда амалга оширилади.